

鄉土志業編


張國淦著



十

305

24



始







中部縣鄉土志目錄

建置
歷史
政績錄
兵事
者舊
人類
戶口
氏族
宗教
實業
地理

八	八	七	七	七	七	三	三	一	一	一
---	---	---	---	---	---	---	---	---	---	---

燕京大學圖書館寄贈本

中部縣鄉土志

目錄

燕京大學圖書館





寺觀

九九

山

一〇

水

一〇

道路

一一

物產

一一

商務

### 中部縣鄉土志

#### 建置

考唐虞夏商之際本境古號橋國路史黃帝姬姓子孫守橋山古云橋山夫所爲橋山者或謂沮水出子午山穿山而口其形似橋故云橋山是也寰宇記曰橋山南連耀州北抵鹽州東接延州結連入百餘里其他不言橋山而以本境言橋山者不專謂山勢之似橋實爲黃陵在焉書禹貢漆沮既從則知橋山屬雍州明矣古者竹書紀年帝乙十七年西伯伐翟通志表橋翟舊爲雍州城至春秋又爲白翟地鄭漁仲通志今鄜坊延綏皆古白翟也周秦之時以爲上郡陽周卽今之地也通志董翳爲翟王漢書地理志陽周注橋山之南有黃陵塚名曰上陵時其後人稱橋陵者卽其意也然本境地雖偏小而城枕橋山池環沮水實爲鄜延之險要亦關中之勝區也

#### 歷史





蓋歷代之地輿分隸稱名沿革各異有沿而復革者有革而復沿者猶存職方之掌故也本境漢置翟道縣實本周之白翟地也隸司隸部而屬左馮翊郡焉又名直路縣至後漢而廢之改爲殺羽縣晉魏置長城縣地形志又名二縣晉書太元十一年苻纂據杏城貳縣通典姚萇置杏城赫連勃勃以秦州鎮杏城十六國通志長城貳縣杏城卽今之本境也北魏改內部後魏以長城入華州中部郡可知中部二字名於此時矣寰宇記姚興於今理南置中部縣可知中部改郡爲縣者亦始於此矣北周爲坊州至隋開皇九年避諱仍改內部唐武德二年分鄜州置坊州又以坊州置中部縣五代梁本紀開平三年劉知俊克坊州李茂貞據之屬梁五代皆因之宋仍因之金亦以坊州治中部縣元至元六年廢坊州以縣屬鄜州明因之明又以鄜州隸延安府及我 國初之時分隸如故至雍正三年州陞直隸而中部屬鄜州焉

政績錄

唐

李建徽 鄜坊節度使朱池反建徽與楊惠元李晟等營屯便橋破有功

韓公武 字從偃滑州匡城人中書今宏之子起家衛尉主簿以戰功拜鄜坊節度使

王栖曜 淮陽人性敦厚善騎射安祿山反尙衡舉義討賊栖曜時爲牙將下兗鄆諸城數敗賊衆遷金

吾大將軍以強弩三千夜入寧陵遇李希烈之衆貞元初出爲鄜坊節度使

郭子儀 華陰人爲鄜坊節度使寬宏仁愛士爭附之威名遠布保障朔坊功居第一

王承元 承宗弟有况謀鄜州丹延節度使奉公守法利愛及民

韋繼均 坊州刺史有善政民愛之不忘

崔 駢 坊州刺史與水利以便民當時賴之

明

黃 琮 洪武初知中部縣公正愛民政務興舉

劉 潔 沁源人成化中知中部縣性慈仁有大略興滯補敝不苟取予

張 悌 岢嵐人成化中知中部縣性嚴重誠心愛民任九載後陞甯州知州民皆號泣脫履不忍去

任 儀 四川人進士知中部縣風神秀異文學高邁掄選才俊親爲講授後陞知州



鄭源 許州人宏治間知中部縣簡易不擾於民增修學舍

蕭章 岢嵐人舉人知中部縣為政平易民無遠近成歸心焉

胡熹 新繁人知中部政尚寬簡立心公恕

白金 中部縣教諭躬行勵俗勸課有法人服其教

袁經 情苑人隆慶初任中部教諭浮謹有守學務祈理因材啟迪語語教誨無倦

江之濫 汝上人萬歷中知中部縣精明果敢力植善類如意恤民尤勵廉節前後六載民悅士服

姚一麟 太原人由舉人知中部縣值饑歲加意軫恤撫綏殘黎後陞知府

劉光先 直隸人知中部縣丞持心公正廉而有守闔賊逆境殉難

朱新燾 山西汾州府宗室崇禎十四年以明經知中部縣事未幾闖賊入境公效守固死全家自縊邑人葬社稷壇側妻女附焉立碑記

本朝

李順昌 直隸人舉人廉明仁慈輕徭薄賦士民悅服

李暄 上元人禮賢愛民一塵不染興利除弊至今豔稱

祝文彬 江西磁溪人省刑薄斂革里重後百姓無不悅服

羅南英 湖南桃源縣舉人公正廉明民無詞訟

曹之升 浙江紹興府蕭州縣進士惠政多端至今豔稱

丁瀚 江蘇無錫縣人惠政愛民創修書院及橋子數處

黃召棠 福建舉人政簡刑清惠政多端同治六年回逆陷城殉難

兵事

本境地近邊陲人尚樸實不知習武同治六年逆回入境人皆逃竄山城而不能禦備實由本境地處窮苦民無槍礮火器又無干戈兵刃其所禦之兵器者僅木梃耨鋤而已兵事所以不講也

耆舊

孝友義行

元

王克己 幼喪父事母甚孝遭元末大兵母素畏兵常負匿山谷及母卒葬後盧於墓側負土築墩於前



朝夕遙望有兵至即以身覆其墓曰有兒在勿懼適紅巾賊至嘉其孝恩令勿犯引去其地因名為回軍嶺入祀鄉賢載陝西通志

明

張克讓 天性純孝事母無邊一日母抱疾克讓祈以身代割左股奉母載陝西通志

劉 織 性至孝事母無違時時承顏色順意旨家雖貧每食必設甘肥終身如是載通志

劉 芝 幼喪父其母忽氏撫育成立通經術由舉人官通判痛念父早亡母孀衣不華飾食不重味躬親執爨終身如是載通志

親執爨終身如是載通志

劉爾完 事父母以孝聞食必親徹必請父歿水漿不入口者七日母老齒俱落爾完晨昏必省命諸兒

婦乳母載通志

劉 篤 庠生五歲喪母啼號弗食及長植母墓柏枯封之泣泣涕著樹上樹復茂父繼青門獄病篤憂鬱嘔血秘不令父知父瘳篤隨歿載通志

憂鬱嘔血秘不令父知父瘳篤隨歿載通志

杜壽春 崇禎四年盜攻城陷或呼壽春曰曷去之壽春曰母老焉忍舍之遂遇害載陝西通志

劉 準 庠生少有氣節潛心理學時值藩司行縣詬辱諸生準正言辦折藩司怒親杖之準奮然曰頭

可斷士不可辱憤惋而卒藩司服其志命有司營葬載通志

秦 清 荒年出粟周濟隣里有不能嫁娶及不能葬者必予之金義民也載通志

劉光大 官保定同知總諸路軍餉取予不苟居官十五年舊囊肅然人稱劉氏累世清白吏載通志

馬 殿 為人端方樂周貧乏人呼為馬佛以明經三仕廣文載陝西通志

劉 枯 家貧讀書取予必嚴值歲大饑不入粥廠求賑遂慨然曰歲荒有同乞丐所欲有甚於生所惡有甚於死前賢垂明訓矣自古皆有死於是造粉買毒藥置其上與妻鄭氏二男子二女子同食闔戶

就寢俱死載通志

劉廷謨 天性純孝輕財好施值歲大饑貸粟七百盡焚其券

張 琬 好義樂施議論侃直以孝友稱於鄉里

本朝

馬 信 秉性純良至孝無間父母相繼歿日夜哀哭三日不入水漿月餘哀感成疾亦亡其目不取其

手不展為親未葬也

梁師湯 字敬文厚重少文木訥人也幼事後母甚孝得其懽心後母亦憐愛子如己子年五十正論侃



侃士論重之

牛四麟 自喜重信義不苟取任河南濟源縣尉忠誠不欺吏民悅服值歲饑出俸周賑族人子弟之饑者呼其少壯養之濟源所全活者甚衆

李之彥 府學明經十歲喪父事孀母刻弗忍離及母歿營葬時值大寒墟不能開伏柩哭禱泣不日地開得以成塋鄉隣咸以孝稱

劉 鎬 性至孝繼母病床二年服藥罔效鎬齋戒沐浴祝禱藥王廟封骨肉和藥進之病即愈及後母歿鎬廬墓三年日於百步外取土增堆父母三墳高丈餘邑人咸稱道不衰云

劉定國 性至孝其父幼遭虎驚聞人道虎即汗流浹背定國遂絕口不道虎及父歿後葬於山河爲虎豹交錯之區乃廬於墓所期年適夜有虎過伏而咽嗚未幾亦驚懼成疾而卒時年已五十有六矣

王金榜 年二十有六時母病隔噎延醫療之益劇乃禱於觀音廟許重修廟宇遂割臂肉和藥以進而母疾愈焉至年老臂上瘰癧宛然猶在

楊承震 性至孝值父疾篤意欲食肉時值危急難以猝辦乃割左臂肉烹而食之

劉應世 邑廩生也堯漢村人好讀書作文多奇橫其家六十餘口五世同居內外無間皆生仁孝所感

縣令邑侯贈以敦彝堂三字匾額又以旌善門四字題其閭賞餽酒肉存問焉鄉里異之

### 名儒勳臣

宋

楊 偕 字次公舉進士工部侍郎致仕卒有兵書十五卷文集十卷載通志

金

雷 瑄 字伯威坊州人志英邁博學能文以薦從事史館後客陽夏是時金邊關輔大饑瑄悲泣不食乃出奇策上宰相不能用瑄去不知所之載通志

元

李 杲 字東垣坊州人舉明經不仕精岐黃活人甚衆著有東垣十書行於世學者稱東垣先生

明

寇 恕 字道用性簡靜專明易理三任平陸鄉寧聞喜教官設立條約敦本務實陞綿竹知縣安靜弗擾二載乞歸行李蕭然所著有元一集載通志

宋 賓 字大賢體貌魁梧方正剛果老年精易舉舉天順舉入任中軍都督經歷多異政致仕築室龍



首山載通志

劉仕字以學正德辛巳進士授刑部主事繼母孝有冬竹生笋之異年八十一卒著有鄜南集

劉禪字成吾崇禎辛巳授河南登封知縣癸未逆闖攻登封城陷被執自成欲降之禪掉鬚罵曰豈

有七世清白吏而降賊也自成從容言吾與誼切桑梓今方有關中當同載西歸禪神色愈厲曰吾

願血沾登封土自成義之次日復令賊將劉崇文說之反覆數百言終不屈遂遇害於泮水之側事聞

贈按察司僉事祀鄉賢

劉璋字尚德中正德五年鄉試授南和令戴星履政至忘寢食時澧河六渠久湮璋修復灌道民至

今沾其利載通志

劉聰字達夫性剛明果斷登成化丁未進士授太平府推官黠吏聞風遠竄在任七年令行禁止轉

太僕寺丞先是不設公座聰奏復之擢彰德知府革宿弊剪除豪強屬縣肅然歷右僉都御史巡撫順

天皆有異績祀鄉賢載通省志

劉佐字以道聰之子登進士授戶部主事監收小灘稅勢豪請託不少假借卒於官有北原集

本朝

劉爾懌幼而穎悟十歲能文尤善詩博覽廣記諸子百家之善過目輒能記誦著有雪石集世稱雪石

先生

梁國英字橋鐘篤信好學一介不苟行不由徑足不入公庭饒有滅明之風從學者甚衆講誨不倦成

名之士多出其門

牛光斗字麗乾順治戊戌進士任浙江諸暨縣惠政因民通省號為清廉第一及因親喪致仕寄寓佛

寺百姓爭供薪米旋里時攀轅遮道各獻賻贖三日始得出境於是立祠歲祀香火至今不絕壽躋七

十九居心忠厚制行卓越始終如一隱顯無二鄉黨是以有牛佛之稱焉

劉爾怡順治八年舉人任貴定縣知縣廉明公恕革弊興利士民悅服致任歸與牛張蘭四先生為五

老社約飲酒賦詩終日論文時人榮之以比耆英會焉著劉氏族譜

張鳳翽與弟翀同登康熙癸丑進士任四川鄆都知縣未周月諱宏彭時亨叛攻城堅拒五月乘隙却

營斬賊數百即請官兵恢復川東

張鳳翀任四川大竹知縣遭譴宏彭時亨之變城陷被執賊露刀逼使已已誓死不屈罵賊賊怒亂

杖擊之腿臂盡折血流有聲氣幾絕夜半復甦密請官兵繫討卒克恢復



將才

元

李明安答兒 征西大元帥載陝西通志

劉澤 五門禁都尉兼左衛率府載陝西通志

劉簡 定國將軍載陝西通志

節烈

本朝

王氏 生員劉燻妻鄆州巡撫王邦俊孫女年二十三燻亡姑王氏以撫孤勸諭強進飲食大亂之後貧無立錫惟一孀姑一弱子紡績自給順治三年歲歉絕糧五日姑婦幾絕者屢矣苦節五十年撫子之培成立載通志

任氏 生員劉篤妻篤蚤亡氏年十九備哭勺水不入者七日嘔血幾絕祖姑勸曰遺孤方襁褓奈任氏強就飲食猶嘔血不止二十年苦節自守撫子成立旌節建坊載通志

屈氏 生員王者謀妻謀嗣年入學事父至孝以疾卒氏素性貞靜事翁姑至孝號哭不食矢志盡節

姑防之嚴氏 獻湯果於柩前拜泣曰吾死翁姑且不死汝可瞑目姑遂疏防氏將衣裙密縫恐脫落露體投井死置同棺而葬邑候李順昌通詳 旌表焉載通志

李氏 生員劉蔚妻夫亡事姑盡孝以婦代子撫孤善教以母兼師冰心苦節三十八年奉 文建坊入祠

張氏 劉乙妻夫亡年二十五歲痛哭飲食俱廢姑病數年朝夕親嘗湯藥姑歿脫簪環營葬初乙之逝也遺子長庚甫數月恩養成人延師課讀守節三十六年而卒奉 文建坊入祠

趙氏 傅明妻夫亡遺二子家甚貧撫養成立氏夫胞弟典與舉相繼亡遺妻任氏王氏無子亦無產氏恐不能守節多方安慰以次子嗣任氏與王氏共爨每日蓬頭垢面身先力作二氏感其誠皆自首

奉 文建坊入祠

任氏 生員傅崇德妻夫亡氏年二十遺一子甫週歲夫歿欲殉妯娌勸曰翁姑衰老孤兒襁褓爾夫亡矣復欲死如翁姑孤兒何任氏發誓立志孝親撫躬歷數十年後子射侯遊國學焉文 奉建坊入祠

楊氏 田紀妻楊正室夫亡遺一子甫週歲氏剪髮明志孀姑殘疾事奉惟謹姑癱五載不能起床



氏侍嘗湯藥衣不解帶時值嚴寒姑欲食脚魚氏赴河剖冰取脚魚刻時果得見者以為孝感撫弱孤  
自一歲以至四十餘嚴慈並用奉文 旌表

人類

本境除漢戶而外其餘回番苗搖打牲以及土司喇嘛各種人類俱無

戶口

本境地處偏僻向無漢蒙漢軍各旗戶口其所有者僅漢民耳查自同治兵荒以來戶口寥落蕩析離居至光緒庚子大疫以後烟戶奇零土曠人稀難計休養之期

氏族

本境自古劉寇馬宋為四大姓至今馬宋人不多姓寇大亦少惟劉姓為大戶分為三至今代遠年湮其原籍不知出於何處元明之時稱為望族至今相傳五十餘世凡雜姓人家寥寥無可考據

宗教

本境向無回教以及喇嘛紅黃天主耶蘇一切外教不惟不入而且不知其教

實業

本境地瘠民貧人安樂土凡士農工商之民皆以農業為重為士而不兼於農恐俯仰不足為工為商而不代於農恐饕餮不給所以士不專士其成名者僅增廩附生五貢而已未成名者仍為農人而增廩附五貢共計二百之數農人甚多凡工商之人俟農隙之時工則為土木石鐵之業商則為肩挑貿易之業然其人亦不多究竟為商者悉屬他境客籍本境土著不過二十分之一也

地理

本境子午一嶺依稀崱函之固沮洛二河彷彿涇渭之分在本省東北四百里本州西南一百四十里東界洛川交口河四十里南界宜君界牌嶺嶮嶮二十里西界甘肅鎮寧縣化窰子一百八十里北界本州現頭橋五十里東南界洛川秦家窰窰窰五十里西北界鄜州月琴庄一百八十里西南界宜君韓家嘴二十里東北界本州會道溝五十里四鄉共分為六甲其名曰塘和一里其四鄉之村落共二百



九十村其四鄉共十鎮北谷鎮在縣東至城四十五里田家莊鎮在縣東南至城三十里土橋子鎮在縣南至城十里逢寺鎮在縣西至城六十里雙柳鎮在縣西至城八十里保安鎮在縣西至城一百三十里上畛鎮在縣西至城一百四十里艾蒿店鎮在縣西至城一百七十里太賢村鎮在縣北至城二十里隆坊鎮在縣北至城四十里

本境八景

橋山夜月 沮水秋風 南谷黃花 北橋淨雪 龍灣曉霧 鳳

嶺春烟 漢武仙台 黃陵古柏

城內四鄉各學堂共六處

城內高等小學堂一處 初等小學堂一處 東鄉北谷鎮初等小學堂一處 西鄉馬家塬初等小學堂一處 南鄉橋溝村初等小學堂一處 北鄉隆坊鎮初等小學堂一處 廟宇陵墓

軒轅橋陵 在縣城之北橋山上帝紀黃帝採首山銅鑄鼎湖鼎成龍降迎攀龍聲升天其臣左徹抱

弓而號取衣冠而葬之廟在橋山之下古柏蒼然滿山無數山頂有漢武帝祈仙台廟中有掛甲柏樹其大非常又有元張三丰題壁之詩句

宋

狄青墓 縣南黃花峪懸岩石洞有石棺在焉

楊侍郎偕墓 縣東三十里

劉萬戶侯墓 縣北六十里原附古碑在焉

李元帥明安答兒墓 縣東北四十里阿當寨有碑

寺觀

龍興寺 在縣東一里元大德年建

普樂寺 在縣治北唐貞觀年建明正德間劉員外講學處

建福寺 在縣北三十里塘和堡

天隆寺 在縣北四十里隆坊鎮



遂志寺 在縣西北五十里侯村嘉靖年建

石崇寺 在縣東四十里北谷鎮

上方院 在縣東黃帝廟西

永樂寺 在縣東三十里

石佛寺 在縣西呂村去城八十里

龍泉寺 在縣下王村唐時建

山

橋山在縣城北沮水由城南旋繞而

石堂山在本境北七十里一名翟道山周穆王傳天子命駕八駿之馬造父為御

南征朔野達絕翟道升太行山即此山也

鳳凰山在本境西一里其形似鳳一名二郎山

西山本境諸山之總領也方六七十里大山巨壑林木鬱茂石洞深潛

侯村山在本境西北六十里元劉萬戶侯牧馬處其城猶存

子午嶺在境西北一百八十里南北綿亘千餘里隔界延慶自咸陽通九原雲中直道秦蒙恬壘山堙谷即其嶺也

回軍嶺在本境北六十里元王克己廬墓處孝感兵回故云

白石嶺在本境西六十里

蜿蜒嶺在本境西北一百餘里由于子午嶺沮源關蜿蜒而下至雙塚兒自西至東約長二百餘里中有分界土墩一十三處循嶺隨墩而下係大道至正嶺脊北通鄆州之張村驛南通本境之隆坊鎮嶺脊南北各有支山其嶺北支山無不向北水皆入鄆之洛河其嶺南支山無不向南水皆入中之沮河

水

沮水在本境西一百八十里子午嶺發源至三河口納小河常州二水東流環繞縣城如帶又東二十里至龍首川有本境北五十里土門村隨后神嶺所出之泥浴河來注之合流又東十里合洛河胡蘆河於交口南出也詩云漆沮之從即此地也



洛河在本境東三十里源出於靖邊西南之水流經本州至本境東界交口河葫蘆河又南十里至戶局有此西來之沮水注之經白水蒲城至朝邑入渭葫蘆河在本境三十里源於甘肅合水縣名曰清水河東南流至本州之三川有此西來之會道河注之合流至縣北葡萄寨又有自西來之葡萄河注之東南至交口與洛水合

道路

本境縣城東為北山一帶驛路行十里至劉家川十里至龍首川共渡沮水四次折而北三十里至安子頭與自西來之支路會之其支路一自西北隆坊鎮來行十里至會村又行十里至南塘和堡又行十里至太賢村有自西上畛鎮雙柳鎮七里鎮之支路來會之二路合一至安子頭與驛路合北行五里逾連搭溝又行五里至洛川交口出境縣城南為北山進省一帶驛路行十五里至故驛出境至宜君縣城西北行十里至韓家塬又十里至王村有自西七里鎮之支路與自東北洛川來之支路會之行二十里至隆坊鎮再北行二十里至會道溝出境至廊

州縣城東南渡沮水行十里至橋溝至十里至店子灣又十里至田家庄又行二十里至秦家窰窰出境至洛川

物產

鳥

鵲 鳩 鷓鴣 鳥 黃鸝 燕 雀 山鷄 雉 水鳧 鳶 鷄 鴨 布

穀 杜鵑 鴿

獸

狐 兔 鹿 豹 狼 豕 貓 犬 獐 馬 牛 羊

介

螃蟹 龜 蝦 蟆

其動物製造產無

植物產

穀



黍 稷 菽 麥 梁 苳俗呼蕎麥 豆有數種 油麻 脂麻 包穀

蔬

瓜 瓠 茄 葱 韭 薤 蒜 蒿 苳 芥 芹 蘿 葡紅白二種

菓

桃李 杏 棗 柰 梨 梅 山查 櫻桃 核桃 郁李 紅菓 林禽

木

松柏 桐 槐 楸 榆 柳 桑 樺 橡 漆 杜 楊 椿

藥

薊 地黃 芍藥 半夏 香附 知母 甘草 車前 益母 薄荷 荊芥 枸杞 蒼朮 防風 黃芩 柴胡 黃精 黃蘗 細辛 夏枯

其植物製造惟織布一門稍有見者至於本境之產在他境製造者有他境之產運入本境製造者均無

商務

本境土廣民稀人皆務農而不知務商即本境所產麥豆草藥銷行外境其數不多即他境所來貨物僅布疋紙張菸糖茶葉等項或由本省或由三原或由興鎮或由同州均由陸路運入本境每年其銷行者亦不多







305

24



終